

Til Umhverfis- og samgöngunefndar alþingis.

Efni varðar:

Vernd, velferð og veiðar á villtum fuglum og villtum spendýrum.

Lagafrumvarp mál nr. 368.

Sendi hér með tvær athugasemndir sem mér finnst að vanti í frumvarpið.

Í gr. 24 sem fjallar um veiðiaðferðir er talið upp það sem ekki má nota við veiðar.

Í framhaldi af því sem þar er talið upp vil ég benda á hvort ekki væri ástæða til að banna vetrarveiði á ref eftir 15. apríl. Rökin eru: Er það ásættanlegt að á hverju ári séu drepnar læður seinnihluta aprílmánaðar frá nýgotnum yrðlingum, sem eiga þá í flestum tilfellum engan annan kost en að drepast úr sulti og kulda?

Það er staðreynd að margar læður gjóta í apríl og líklega meira um það nú á seinni árum en áður var. Sjálfur hef ég oft fengið greni með tveggja mánaða yrðlinga um 20.júní.

Önnur aths. gæti hugsanlega tilheyrð 44. gr. eða 45. gr.

Mér finnst vanta í frumvarpið að grenjatími sé skilgreindur. Í gildandi lögum er hann skilgreindur frá 1. maí til 31. júlí. Þau sveitarfélög sem vilja láta grenjavinnslu fara fram þurfa að hafa á hreinu yfir hvaða tímabil hún nær. Það mun alltaf verða til staðar ágreiningur milli þeirra veiðimanna sem annars vegar eru ráðnir til vetrarveiða á ref og hins vegar vegna grenjavinnslu. Ástæðan er að ekki verður alltaf um sömu veiðimenn að ræða.

Ég sé ekki neitt nægilega skýrt um þetta í frumvarpinu.

Ég legg því til að grenjatími verði skilgreindur frá 15. apríl til 31. júlí (jafnvel til 15. ágúst).

Með bestu kveðju til nefndarinnar.

Akureyri 25. janúar 2021.

Friðbjörn H. Guðmundsson
Hauksstöðum 691 Vopnafirði.